

# Nossa raspada



CORPORAZIUN  
EVANGELICA  
VALSOT

*Il reginam da Dieu ais immez tanter vus. (Lc 17,21)*

Allegra!

Cura vain il reginam da Dieu? Scha nus fessan üna sondascha cun quista dumonda, respuondessan plü probabel ils blers: In avegnir, a la fin dals temps o davo la mort! Ma Gesu Crist vezza la chosa oter: *Il reginam da Dieu ais immez tanter vus. (Lc 17,21)*

El nun idealisescha ni seis temp, ni seis contemporans, ma less cun sia resposta provocativa sensibilisar a seis prossems: Nu spettarai sül di da güdizi per viver, nu spostarai vossa tschercha da Dieu sün l'oter muond, vivai vossa cretta quia ed uossa, in vossa vita sco ch'ell'es e's megldrai!

Quist'admoniziun es eir adressada a nos temp: la buna vita nun as chatta in ün passà idealisà, mia cretta nu po spettar sün meis vegls dis. Eu svesst stögl viver mia cretta quia ed uossa. Eu svesst poss far quai ch'eu sun abel da far cha mia vita saja buna. Quai nun es però ün proget individualistic (sco chi füess la moda), dimpersè ün clom a collavurar vi d'ün muond chi correspuonda grazcha a nus ün pa daplü al reginam da Dieu. Cun cordials salüds,  
Vos rav. Christoph Reutlinger.

Pravenda evangelica

7559 Tschlin

tel. 081 866 32 63

[www.valsot-ref.ch](http://www.valsot-ref.ch)

## Cults divins november 2024

*Dumengia, ils 3 november: Festa da la refuorma*

09:30 Ramosch

11:00 Strada

17:00 Tschlin

rav. Christoph Reutlinger

*Dumengia, ils 10 november*

09:30 Martina

11:00 Vnà

17:00 Samignun

rav. Christoph Reutlinger

*Dumengia, ils 24 november: Dumengia dals morts*

09:30 Ramosch

11:00 Tschlin

rav. Christoph Reutlinger

## Giantar cumünaivel a San Niclà

i'l café sper l'En

*Mercurdi, ils 27 november a partir da las 12:00.*

Per plaschair s'annunzchar pro Cilgia Etter:

079 530 70 58

*Volver, per plaschair!*

## Vacanzas dal ravarenda

*Dals 11 als 18 november n'ha-ja vacanzas. In cas urgients as poja d'ürant quist temp contactar a*

*rav. Bettina Schönmann da la Val Müstair (081 858 51 55).*

Grazcha per Lur incletta!  
/rav. Christoph Reutlinger

## Radunanza generala da la Corporaziun evangelica Valsot

Nossa radunanza d'utuon ha lö in mercurdi als 27 november 2024 a las 20:15 in sala polivalenta a Tschlin

Tractandas:

1. protocol
2. tscherna d'ün/a scrutinadur/a
3. preventiv 2025  
*Il preventiv as poja chargiar giò da [www.valsot-ref.ch](http://www.valsot-ref.ch) o retrar pro nossa chaschiera Maria Pardeller a partir dals 20 november.*
4. credit sanaziun energetica  
chasa da pravenda (cuosts restants fr. 186'000.-)
5. varia

Sperond sün üna numerusa cumparsa segna per la Corporaziun evangelica Valsot

il president, Duri Janett

## Giantar d'attempats a Strada

in chasa da scoula, **als 8 december 2024** a partir da las 12:00

Tuots sun cordialmaing invidats a giantar e passantar ün bel mumaint da cumpagnia la dumengia dal seguond Advent.

Per plaschair s'annunzchar pro Maria Pardeller (081 866 37 74) fin marcurdi als 4 december.

Nus ans allegrain sün üna numerusa cumparsa!